

Ndangdaenj Bwzguyauz Nanzdanh:

Singqcingz Langhcuengq Co'nduj Ndawde Yienj Gyaeundei Ciuhgeq

南丹白裤瑶服饰：原始野性中显古韵美

□ Du Hingzgyaz



Bwzguyauz dwg Yauzcuz nga-nye ndawde nga aeu ndangdaenj ndaej mingzcoh ndeu, gij ndangdaenj de seuqset ronghsag caiqlij daiq miz gij diuh ciuhgeq, louz miz gij yiengh conduj dijbauj, riz lizsij sengdoengh caeuq cungj yisuz caezcienz, lai cungj lai yiengh haenx, dwg aen baengzgawq youqgaenj geiqloeg Bwzguyauz fungsug fungcingz caeuq lizsij vwnzva ndeu. Bi 2006, “ndangdaenj Yauzcuz” Nanzdanh Yen, Hocouh Si ndaej lied haeuj buek daih' it guek-gya gaep feihvuzciz vwnzva yizcanj mingzloeg.

Bwzguyauz youq gih raeuz Nanzdanh Yen Lijhuz, Bazhih Yauzcuz Yangh caeuq Gveicouh Liboh Yen Cauzyangz Yauzcuz Yangh sam aen Yauzyangh gapgyaiq neix comz-youq lai, ndaej heuhguh “mbanranz Bwzguyauz Cungguk”, Lenzhozgoz Gohgyau Vwnzvei Cujciz nyinhdingh de dwg aen minzczu vwnzva minzczu louzce ndaej ceiq caezcienz ndeu, naeuz dwg “gaiqbienqrin lix vwnzmingz vnzloih”.

Gij ndangdaenj Bwzguyauz daegdiemj yienhsag, geubuh bouxmbwk vengqnaj vengqlaeng, ndonj-gyaeuj beq daenj, diuz vaqhau bouxsai bingzciengz saedyungh, yienh'ok gij cienzdoengj caeuq funggek ciuhgeq. Gij dozanq gwnz buh de, sai mbwk cungj siuqseuj miz vabakgaeq, yienh'ok Bwzguyauz geijlai gingqcungh duzgaeq. Geubuh bouxsai dwg buh doiqdaeux saek lamzndaem hozlingx daengj, najaek song mbiengj gak siuq gij doz vabakgaeq; diuzvaq aeu baengzhau nyib baenz, dinvaq aeu baengzndaem gopbien; geubuh gvaqciet henzbien cungj aeu baengzlamz gopbien, song mbiengj laenghwet caeuq bien laj

raebalang cungj siuq miz vabakgaeq caeuq aen doz rizraiz guenghva; gyaeujhoq vaqhau siuq miz haj diuz raizva saek hoengz, riuzcienz naeuz gijneix dwg yaenqfwngz lwed Vuengzyauz caeuq aen cuz wng hoenxcienq seiz louz roengzdaej. Gij buh bouxmbwk faen seizhah seizdoeng song cungj. Buh seizhah dwg najaek caeuq baihlaeng song vengq baengzndaem nyib baenz, cungqyang louz congh ndonj gyaeuj yungh, vengq baihnaj dwg cingh saek ndaem, vengq baihlaeng aeu cungj dinfwngz nyumx, siuq daengj guh baenz gak cungj dozanq, cik lai gyangq, yiengh lumj aenyaenq nei, riuzcienz naeuz dwg aenyaenq vuengzdae q fungsoengq hawj Vuengzyauz; song gwnz mbaq aeu vengq baengzndaem 10 lizmij raez ndeu nyibciep, mbouj miz hozlingx mbouj miz genbuh, lajeiq mbouj miz lwggaet, raez daengz gyaeujvunj; mehmbwk baenz bi daenj diuz vunja baebap saek ndaem lamz raez daengz gyaeujhoq ndeu, baengzvunj aeu iengfaex veh nyumx baenz sam hongx dozanq, ndaem lamz doxgek, dinvunj aeu maesei henj nding siuq, bienvunj aeu vengq baengzsei saek nding gopbien; gyanghwet najvunj



▲ Fap buet mae Bwzguyauz gag miz.

◀ Mehmbwk saeqsim leix-swnh baiz mae.



▲ Cang ndangdaenj ngoenz-ciet boq hauh gaeuvaiz.



▲ Bonjsaeh daj seiz iq lienh baenz.



▲ Ndangdaenj mehmbwk gyaqciq raeuh.



▲ Doxcam doxhag dem bonjsaeh daemjrok.



▲ Langhbaij ndangdaenj.



▲ Diuzvunj ndei yawj dwg baenz cim baenz mae guh baenz.